



Hans Enoksen, Inatsisartunut ilaasortaq, Siumut  
Uani

### Nunaqarfinni tunitsiviit pillugit apeqqummut nr. 36-mut akissut

Inatsisartut suleriaasiat § 36 immikkoortoq 1 naapertorlugu Nanortalimmi Alluitsup Paanilu suliffissaqartitsiniarnikkut periarfissiuussinissanillu pilersitsinissamut qanoq iliuuseqartoqarniarnersoq pillugu apeqquteqaammik saqqummiussisimavutit. Apeqquteqaat uanga akisussaaffinnut akisassangorlugu innersunneqarsimavvoq.

17. maj 2010  
j.nr. 01.28.2010-93

Postboks 269  
3900 Nuuk  
Tlf. (+299) 34 50 00  
Fax (+299) 32 47 04  
E-mail: apn@gh.gl  
www.nanoq.gl

Apeqquteqaat:

**Nanortalimmi Alluitsup Paanilu suliffissaqartitsiniarnikkut aallartitsinissamut qanoq iliuuseqalersaarpisi aammalu qanoq periarfissiuussiniarpisi?**

Akissut:

Naalakkersuisut paasisinnaalluarpaat, maannakkorpiaq Kujataani suliffissaqarnikkut annertuumik ajornartorsiertoqartoq, ingammik aalisarnikkut piniarnikkullu inuussutissarsiorniarnermi. Soorlu illit nammineq allakkakkut eqqaagit Naalakkersuisut Kommune Kujalliullu suleqatigillutik ajornartorsiu iluarsiniagassaraat.

Naalakkersuisut sullissinissamut isumaqatigiissutit nunaqarfinni illoqarfinnilu minnerusuni suliffissaqartitsiniarnermik siuarsaanissamut sakkussatut isigigaat, suliffissaqartitsiniarnermik tunitsiveqartitsiniarnermillu tunngavilersuinissamut qinigassanik allanik periarfissaqarfiusinnaasut annikinnerini.

2009-mi Nanortalimmi saarullinnik annertuumik tunisisoqarpoq. Ullorli manna tikillugu tunitsivimmut tunisisoqarsimanngilaq. Naalakkersuisut, aalisartunut piniartunut aalisakkerivimmilu sulisuusunut taamatut inissisimaneq isumakulunnartoqartippaat.

Eqqaaneqartariaqaporli, maannakkorpiaq tunitsivinnik marlunnik piginnituusunik sullissinissamut isumaqatigiissutinik suliarinninnissamut pilersaarusiertoqanngimmat, ilaatigut atortoqarniarnerup tungaatigut tunngassutilinnik pissuteqartumik, ilaatigullu piginnittut tungaannit qinnuteqaammik suliarineqartussamik nassiussisoqarsimannginnea pissutigalugu.

Nanortalimmi Alluitsup Paanilu puisit amiinik tunisisarneq pillugu eqqaassagaanni paasititsissutigisariaqarpoq, tassa akinut isumaqatigiissutit pillugit, KNAPK-ip Kalaallit Nunaatalu Ammeriviata akornanni isumaqatigiissutigineqartoq ulloq 16. april, Namminersorlutik Oqartussat Kalaallit Nunaatalu Ammeriviata akornanni sullissinissamut isumaqatigiissummut ilassummik suliarinnitoqarmat. Sullissinissamut

isumaqatigiissummut ilassut isumaqarpoq, tassa Kalaallit Nunaat tamakkerlugu puosit amiinik tunisinermut ammaassisooqarmat, annikillilerfilerlugu ammit amerlassusaannut tamarmiusunut, aamma piffissani mamaarfieuq nalaanut naleeqqiullugu.

Naalakkersuisut upernaakkut ataatsimiinneq piareerniariartoq Kommune Kujallermi politikerik inuutissarsiornikkullu immikkoortortaqarfianik ataatsimeeqateqarniarluni pilersaaruteqarpoq. Ataatsimiinnerup kommunip maannakkut ajornartorsiuteqarfiginerusai pingaartinnerullugit saqqummersissavai. Immikkoortortamut Inuussutissarsiornermut Suliffeqarnermullu Naalakkersuisoqarfieuq ilinniagaqarsimangitsut piginnaaneqarfiinik ineriartortitsinissamut pikkorissarnissanik aaqqissuussisimapput, soorlu assersuutigalugu savanik toqoraanerup nalaani neqileriffimmi Neqi-mi sulisinnaasunngorlugit pikkorissartinneqarnerisigut.

Inussiarnersumik inuullaqquqsisilluta

Ane Hansen  
Aalisarnermut Piniarnermut Nunalerinermullu Naalakkersuisoq